

बच्चियां ताई बाइबल पेस करदी ऐ



नूह कने खतरनाक बाढ

Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गेई।

M. Maillot; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।

नूह परमात्मे दी भक्ति करणे
आला माणु था। बाकि सारे लोक
परमात्मे नै नफरत करदे थे कने
तिसदे हुक्मा दा पालण नी करदे
थे। इक्के दिन, परमात्में हरान करणे
आली गल्ल गलाई, कि “मैं इस

पापी संसारे जो नाश
करी दिंगा,”
परमात्में नूहे
नै गलाया, “सिर्फ
तेरा परवार
ई बचगा।”



परमात्मैं नूह जो चतौणी दिती कि इक्क खतरनाक बाढ आंगी कने सारी धरतिया जो ढकी दिंगी। नूहे जो आदेस दिता, कि “तू इक्क लकड़िया दा समुन्दरी जाहज बणा, जिस च तेरा परवार कने मते जानवर आई जान।” परमात्मैं नूह जो सक निर्देस दिते।

नूह परमात्मे दे आदेसे मताबक जाहजे जो

बणाणा लगगा।



3

लोकां एह दिक्खी करी तिसदा मजाक बणाया कजोकि नूहैं तिन्हां जो समझाया था कि सैह जाहज कजो

बणा दा था। नूह जाहजे बणादा रेहआ कने लोकां जो भी परमात्मे दे बारे च दस्सदा रेहआ। अपर तिसदी कुणी नीं सुणी।




4

नूहे जो बडा बसुआस था। सैह परमात्मे पर बसुआस करदा था, भले ई बरखा पैहल्लैं कदी नीं होईयो थी। जाहलू जाहज बणी करी त्यार होई गेआ।



5

ताहलू जानवर आये। परमात्मे कुच्छ जानवरां ते सत जोड़े तिस जाहजे च घल्ले कने दो-दो जोड़े बड्डे कने लोकके पंछिया दे कने लोकके कने उचे जानवर जाहजे पर चढी गे।




6

जाहलू नूह जानवरां जो जाहजे च घल्ला दा था ताहलू लोक तिसदी निन्दा करणा लगगे। तिन्हां परमात्मे दे खलाफ पाप करणा नीं छड्डेया, कने ना ई सैह तिस जाहजे अन्दर गे।



7

आखरी च, “सारे जानवर कने पंछि जाहजे च चली गे, भिरी परमात्मैं नूह कने तिसदे परवारे जो भी जाहजे अन्दर जाणे तांई गलाया।” भिरी नूह कने तिसदी लाड़ी, कने तिसदे त्रीनों पुतर कने तिन्हां दियां लाड़ियां जाहजे च गे। ताहलू परमात्मैं जाहजे दा दरवाजा बन्द करी दिता।



8

भिरी बरखा सुरू होई
गेई। इक्क भारी बरखा
धरतिया जो चाली दिन
कने रात तिकर पाणिये
नै भरी दिता।

9

बाढी दा पाणी
कस्बेयां कने ग्रां च
बेही गोआ। बरखा रूकी तां प्हाड भी
पाणिये नै डुबी गियो थे। हौआ च शाह
लैणे आली हर चीज्ज मरी गई।

10

बाढी दे पाणिये नै जाहज
ऊपर तैरणा लगगा। होई
सकदा ऐ कि अन्दर नेहरा
होयें कने उबड़-खाबड़ कने
डरौणा भी होयें। अपर जाहजें
नूह जो बाढा ते बचाया।

11

बाढा दे पंजा मीहनेयां बाद, परमात्मै इक्क
सूकी हौआ घल्ली। कने आस्ते-आस्ते
जाहज अरारत दे प्हाडां च ऊचा होई गोआ।
जिआं-जिआं पाणी घटी गोआ, नूह चाली
दिन होर रेहआ।

12


तिसते बाद नूहें इक्क कोगले जो कने इक्क कबूतरे जो
जाहजे दिया खिड़किया ते बाहर घल्लेया। तिन्हां जो अराम
करणे ताई कोई सूकी जमीन नी मिल्ली, कबूतर नूहे अल्ल
वापस आई गोआ।

13

इक्की हफते बाद, नूहें
भिरी कोसिस किती। कबूतर
अपणिया चुंजा च इक्क नौआ
जैतूने दा पतर लेई नै वापस
आई गोआ। दूये हफते बाद नूह
समझी गोआ कि जमीन सूकी गई
ऐ क्जोकि कबूतर वापस
नी आया।


14

परमात्ममें नूह नें ग्लाय़ा कि एह जाहजे ते बाहर ओणे दा बग़त ऐ। नूह कने तिसदा परवार मिल्ली नें जानवरां जो थलें लेई आएया।



15

नूहें कितणा अभार महसूस कित्ता हुंगा। तिन्हीं इक्क वेदो बणाई कने परमात्मे दी अराधना कित्ती जिन्हीं तिसियो कने तिसदे परवारे जो खतरनाक बाढा ते बचाया था।



16


परमात्ममें नूहे नें इक्क खास वादा कित्ता। सैह भिरी कदी मानस जाति दा न्याय करणे ताई बाढ नीं घल्लगा। परमात्ममें अपणे वादे दा इक्क म्हान नशाण दिता।



सतरंगी धनुष परमात्मे दे वादे दा प्रतीक था।

17

नूह कने तिसदे परवारें बाढा ते बाद नौई सुरुआत कित्ती। बग़ते मताबक, तिसदे वंशजां पूरिया धरतिया जो भिरी ते बसाया। संसार दे सारे देस नूह कने तिसदे बच्चेयां ते आये हन।



18

नूह कने खतरनाक बाढ
परमात्मे दा वचन, बाइबला दी इक्की काहणिया
च पाएया जांदा ऐ
सृष्टिया दी सुरुआत 6-10

“तेरे वचनां दी समझ मिन्जो जोती दिंदी ऐ।”
भजन 119:130

19



3

60

20

बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं अहां जो
बणाया ऐ कने जेहड़ा सैह चाहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कितेयो हन जिसियो सैह पाप ग्लांदा
ऐ। पाप दी सज़ा मौत ऐ, अपर परमात्में अहां नैं इतणा प्यार कित्ता ऐ कि
तिन्हीं अपने इक्कलौते पुत्र, यीशु जो सूलिया पर मरणे ताई घल्लेया। तांजे
अहां अपने पापां दिया सज़ा ते बची सकन। ताहलू यीशु दोबारा जिन्दा होएया
कने सुअर्गे जो चली गेआ। जे तुहां यीशु पर बसुआस करदे हन कने अपने
पापां ते पश्चाताप करदे हन, तां सैह इआ करगा जाहलू सैह वापस ओगा कने
तुहां सौगी रहंगा, कने तुहां तिस सौगी सदा ताई जिन्दे रहंगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे
पापां ताई तुहां माणु बणी करी अपने प्राण देई दिते, कने हुण भी तुहां
जिन्दे परमात्मा हन। करिपा करी नैं तुहां मेरिया जिन्दगिया च ओआ कने
मेरे पापां जो माफ करा, तांजे में हुण नौई जिन्दगी पाई सकैं, कने हर दिन
में तुहां सौगी रहैं। तुहां अपने हुक्मां जो मनणे ताई मेरी मदत करा
कने में अपनी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्तां करा। यूहन्ना 3:16